

魚臺縣志

魚臺縣志



自... 光緒十五年七月一日到

光緒十五年新修

備
由
臺
縣
志

本衙藏板

魚臺縣續志序

邑之有志與志之當修前志已
詳言之不必復贅也或疑余到
魚久而修志遲遲而仍有所未
備容不免於玩愒歎余何敢哉
余以光緒壬午奉

命攝魚篆初下車周視疆域徧覽風
土人情見其南鄰豐沛西距曹

魚臺縣志

卷首

序

一

單東抱南陽獨山諸湖與鄰封
犬牙相制繡壤交錯者縱橫百
餘里大抵地多沮洳俗近儉嗇
人性柔弱未易振興加以毛賊
騷境屢經兵燹捻匪肆掠迭遭
蹂躪繼以跳梁小醜出沒無常
搶攘尤甚而又天災流行旱乾
水溢累年不絕閭里蕭條哀鴻

徧野身爲邑宰能勿愴懷乃爲
權其緩急先課耕桑以安農業
次修堤防以捍水災漸與建義
學立書院以講明人倫久之民
困稍舒而瘡痍總未盡平故問
疾苦察災祥聽獄訟理簿書恒
自恨才疎應接不遑者三年如
一日而志書固有所不暇及也

尋以事告假旋省垣 上憲審
知其情假滿復促回魚任不獲
已於丁亥夏復到魚接篆後年
餘諸廢漸舉少暇取邑志閱之
據言馬志修於康熙三十年距
馮公重修在乾隆二十九年中
更七十餘年已有世遠年湮之
慨今距馮志且百餘年矣其間

一燬於烽火再溺於泮水日月
朘削風雨剝蝕文物典章半歸
零落殘碑斷碣摩挲而可考者
百無一二其爲修輯不更難歟
反覆圖維方思設法辦理而乃
變生不虞商羊肆舞馮夷逞怒
胥濤四馳救災恤患才殫力疲
而志書由是稽閣焉幸賴 上

憲體恤大難克濟延及戊子始
獲粗安乃急邀二三邑紳共議
纂修召諸生責以採訪稟 上
憲以懷批示捐俸廉遠聘東海
名孝廉丁公咸亨故友以主修
飾潤色惟據舊志爲根柢擴而
充之撫而收之雖百餘年來之
變遷容不無顛倒挂漏之譏而

蒐羅爬抉參互考訂刪繁就簡
去疑存真無事附會無取浮靡
姑乘數月之間暇聊備一邑之
典籍此余所以任魚久而修志
遲遲而仍有所未備也豈玩愒
哉踰年脫藁邑紳通判劉子月
橋出貲鳩工庀材躬督剏工
既竣索序於余余擬循例言修

志之義及讀馮序已曰邑之有
志猶國之有史又曰作志難修
志亦不易嗚呼志義已盡之矣
復何言哉聊述余遲於修志之
故以自謝不敏並望諸君子諒
余苦心勿疑余爲玩愒云爾
峕

光緒十五年歲次己丑十一月

既望後五日

賜進士出身知魚臺縣事漢軍正白
旗蔭軒氏趙英祚自序於魚署
官廨



魚臺縣志

卷首

序

五



續修邑志跋

光緒己丑冬

鏡

有事於邑志竊思志

書爲一邑之典籍其修之重且急也

夫人知之矣而顧遲之百餘年而始

修者非盡前輩之輕而緩之也

鏡少

時曾見前輩議修志議及採訪較正

曰人弗足議遂寢閱數年人才較進

又議之議及鳩工庀材曰財莫給議

又罷歷數歲稍有餘貲復議之議及

總裁鑒定曰宰弗暇議復止前輩之

議而不果類如是則前輩以上可推

也迨

鏡

列諸生與多士會課餘閒竊

有倡修之議乃以攻舉子業未遑也

洎援例入仕籍又以公務羈身弗獲

與同人議尋以事歸每讀邑志未嘗

不廢書三歎也曰時代遠矣故老無

存縱多同志孰與共此役者未幾水
旱交作兵燹頻興斯時築城修河捕
蝗練團幾無暇日而邑志固難兼及
也客歲人稱少安因公得晤 邑侯
乃議修邑志 鏡 之權忻莫可名言遂
與邑之諸君子同心協力蒐羅故實
採輯遺文摩挲古蹟考察懿行數月
諸冊彙齊謹獻我

邑侯乞爲討論修飾 邑侯特加慎
重乃爲上稟

大憲守候批示並捐廉遠延通儒以
備裁成踰年秋脫藁 鏡 恐剗刷未善

難稱完璧乃自傾囊橐爲之揀選棗
梨之縝密面試手民之工拙量度方
冊之多寡斟酌編幅之廣濶因校字
體之真僞準以今例並寬刷印之限

期責以精詳歷秋而冬乃竣厥事回
而憶之始知前輩云云者信不誣也
雖然今之志一仿前志爲之敢自以
爲有勞乎惟是彌其罅隙補其殘闕
文其鄙俚化其拘牽重有盼於博雅
諸君子至後之人不嫌陋劣踵而修
之尤鏡之所厚望也夫邑附貢生運
同銜特用同知候選中書科中書改
用東河候補通判月橋氏劉鏡謹跋




魚臺縣圖考

魚臺縣志

卷一 圖

縣境圖





魚臺縣志

卷一

圖

三

支河圖



魚臺縣志

卷一

圖

四

縣城圖



常社倉

庫

吏戶禮

內



大

儀

大



照

縣署圖



書院圖

南占民宅半尺



西


魚臺縣志

卷一圖

六

文廟圖

義學
舊址



關帝廟圖

魚臺縣志

卷一圖

七

空基
東

